

სსიპ იაკობ გოგებაშვილის სახელობის თელავის სახელმწიფო უნივერსიტეტი



პროფესიული მომზადების/პროფესიული გადამზადების პროგრამებზე

აპლიკანტთა რეგისტრაციისა და შერჩევის წესი

დამტკიცებულია აკადემიური საბჭოს სხდომაზე

ოქმი №16 15.07. 2022წ.

რექტორი:



თელავი 2022

მუხლი 1. ზოგადი დებულებები

პროფესიული მომზადების/პროფესიული გადამზადების პროგრამებზე აპლიკანტთა კონკურსით შერჩევის წესი (შემდგომში „წესი“) შემუშავებულია „პროფესიული მომზადების პროგრამისა და პროფესიული გადამზადების პროგრამის განხორციელების უფლების მოპოვებისა და სახელმწიფოს მიერ აღიარებულად ჩათვლის წესისა და პირობების დამტკიცების თაობაზე“ საქართველოს მთავრობის 2019 წლის 15 მარტის №131 დადგენილების და „პროფესიული მომზადების პროგრამაზე და პროფესიული გადამზადების პროგრამაზე ჩარიცხვის წესის და პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 10 აპრილის N71/ნ ბრძანების შესაბამისად და არეგულირებს სსიპ იაკობ გოგებაშვილის სახელობის თელავის სახელმწიფო უნივერსიტეტის (შემდგომში თესაუ)პროფესიული მომზადებისა და პროფესიული გადამზადების პროგრამებზე აპლიკანტების შერჩევასთან დაკავშირებულ პროცედურებს.

მუხლი 2. პროფესიული მომზადების/პროფესიული გადამზადების პროგრამებზე აპლიკანტთა რეგისტრაციის გამოცხადება

- 1.თესაუში პროფესიული მომზადების/პროფესიული გადამზადების პროგრამაზე აპლიკანტთა რეგისტრაცია ცხადდება ელექტრონული სისტემის მეშვეობით, რომლის ადმინისტრირებას ახორციელებს საჯარო სამართლის იურიდიული პირი - განათლების მართვის საინფორმაციო სისტემა (შემდგომში - მართვის სისტემა).
- 2.თესაუ პროფესიული მომზადების/პროფესიული გადამზადების პროგრამაზე რეგისტრაციას აცხადებს ღია ან დახურული წესით.
- 3.ღია წესით რეგისტრაციის გამოცხადების შემთხვევაში ელექტრონულ სისტემაში განთავსებული ინფორმაცია საჯაროდა ხელმისაწვდომია ნებისმიერი დაინტერესებული პირისთვის.
- 4.დახურული წესით რეგისტრაცია ცხადდება მხოლოდ იმ შემთხვევაში, როდესაც თესაუს გაფორმებული აქვს ხელშეკრულება სხვა იურიდიულ პირთან ან ადმინისტრაციულ ორგანოსთან, რომლის ფარგლებშიც უნდა უზრუნველყოს პირთა გარკვეული წრის პროფესიული მომზადება/პროფესიული გადამზადება.

მუხლი 3. აპლიკანტთ რეგისტრაცია

- 1.აპლიკანტი პროფესიული მომზადების/პროფესიული გადამზადების პროგრამაზე რეგისტრაციისათვის გადის ავტორიზაციას სპეციალურ ვებგვერდზე, დარეგისტრირდება ელექტრონული განაცხადის მეშვეობით ან მიმართავს თესაუს პროფესიული განათლების ცენტრს, რომელიც რეგისტრაციას ახორციელებს ელექტრონული სისტემის გამოყენებით. რეგისტრაციის დახურული წესით გამოცხადების შემთხვევაში, აპლიკანტთა პროფესიული მომზადების/პროფესიული გადამზადების პროგრამაზე რეგისტრაციას ახორციელებს თესაუს პროფესიული განათლების ცენტრი, ელექტრონული სისტემის გამოყენებით;
- 2.აპლიკანტს ან თესაუს პროფესიული განათლების ცენტრს რეგისტრაციის დროს ელექტრონულ სისტემაში შეაქვს შემდეგი მონაცემები:

- ა) აპლიკანტის სახელი, გვარი, პირადი ნომერი და დაბადების თარიღი;
- ბ) აპლიკანტის საკონტაქტო ტელეფონის ნომერი და ელექტრონული ფოსტის მისამართი;
- გ) ფაქტობრივი მისამართი/რეგისტრაციის მისამართი;
- დ) ინფორმაცია აპლიკანტის განათლების შესახებ;
- ე) მონაცემები სპეციალური საგანმანათლებლო საჭიროების, დევნილის ან სოციალურად დაუცველი ოჯახების მონაცემთა ერთიან ბაზაში რეგისტრირებული ოჯახის წევრის თაობაზე, ასეთის არსებობის შემთხვევაში;
- ვ) ინფორმაცია ამჟამინდელი საქმიანობის შესახებ;
- 3.აპლიკანტის მიერ განხორციელებული რეგისტრაცია დასტურდება მის ელექტრონულ ფოსტაზე ერთჯერადი კოდის გაგზავნით;
- 4.ელექტრონულ სისტემაში ავტორიზაციის გავლის შემდეგ აპლიკანტი ირჩევს პროფესიული მომზადების/პროფესიული გადამზადების პროგრამას/პროგრამებს;
- 5.აპლიკანტი უფლებამოსილია ნებისმიერ დროს გააუქმოს პროფესიული მომზადების/პროფესიული გადამზადების პროგრამაზე რეგისტრაცია.

მუხლი 4. აპლიკანტთა შერჩევა

- 1.პროფესიული მომზადების/პროფესიული გადამზადების პროგრამაზე ჩარიცხვის მსურველ აპლიკანტთა შერჩევა ხორციელდება წინამდებარე წესის შესაბამისად.
2. თესაუ შერჩევის პროცედურის დაწყებამდე არანაკლებ 3(სამი) სამუშაო დღით ადრე, აპლიკანტს აწვდის ინფორმაციას შერჩევის პროცედურის შესახებ (პროცესის დაწყება, პროცესის ეტაპები, დასრულება, ვადები და სხვ).
- 3.შერჩევის პროცედურის დასრულებიდან 3(სამ) სამუშაო დღის ვადაში თესაუ, ელექტრონული სისტემის მეშვეობით, უზრუნველყოფს აპლიკანტისთვის პროფესიული მომზადების/პროფესიული გადამზადების პროგრამაზე ჩარიცხვის უფლების მქონე პირის სტატუსის მინიჭებას.
- 4.კონკურსის შედეგების საფუძველზე განხორციელდება იმ აპლიკანტთა გამოვლენა, რომელიც მოიპოვებენ პროფესიული მომზადების/პროფესიული გადამზადების პროგრამაზე სწავლების უფლებას და მიიღებენ მსმენელის სტატუსს.

მუხლი 5. კონკურსში მონაწილეობის წინაპირობა

თესაუს მიერ ორგანიზებულ კონკურსში მონაწილეობის უფლება აქვს აპლიკანტს, რომელიც რეგისტრირებულია პროფესიული მომზადების/პროფესიული გადამზადების პროგრამაზე სპეციალურ ვებგვერდზე ელექტრონული განაცხადის მეშვეობით ან მიმართავს თესაუს პროფესიული განათლების ცენტრს, რომელიც რეგისტრაციას ახორციელებს ელექტრონული სისტემის გამოყენებით. რეგისტრაციის დახურული წესით გამოცხადების შემთხვევაში, კონკურსში მონაწილეობას ღებულობს აპლიკანტი, რომელიც რეგისტრირებულია თესაუს პროფესიული განათლების ცენტრის შესაბამისი ელექტრონული სისტემი გამოყენებით.

მუხლი 6. კონკურსის ჩატარების ფორმა და პირობები

- 1.აპლიკანტთა შერჩევის მიზნით თესაუს მიერ ორგანიზებული კონკურსის ფორმაა გასაუბრება;
- 2.კონკურსის ჩატარების მიზნით თესაუ-ს რექტორის ინდივიდუალური ადმინისტრაციულ-სამართლებრივი აქტით იქმნება კომისია არანაკლებ 5(ხუთი) წევრის შემადგენლობით: თავმჯდომარე, მდივანი და წევრები (პარტნიორი კომპანიის/კომპანიების მინიმუმ ერთი წარმომადგენელი);
- 3.კომისია უზრუნველყოფს პროფესიული მომზადების/პროფესიული გადამზადების პროგრამაზე დაშვების წინაპირობის შემოწმებასა და კონკურსის ჩატარებას;
- 4.პროფესიული მომზადების/პროფესიული გადამზადების პროგრამაზე რეგისტრაციის ვადას და კონკურსის ჩატარების თარიღს განსაზღვრავს თესაუს რექტორი ინდივიდუალური ადმინისტრაციულ-სამართლებრივი აქტით;
- 5.კომისიის მიერ აპლიკანტთა შეფასება ხდება თესაუ-ს რექტორის ინდივიდუალური ადმინისტრაციულ-სამართლებრივი აქტით წინასწარ დამტკიცებული კრიტერიუმებით, დანართი N1-ით და დანართი N2-ით წარმოდგენილი ფორმების შესაბამისად.
- 6.აპლიკანტის შეფასება ხორციელდება 15 ქულიანი სისტემით. მინიმალური კომპეტენციის ზღვარს წარმოადგენს 5(ხუთი) ქულა;
- 7.კონკურსში მონაწილე აპლიკანტი ვალდებულია დროულად გამოცხადდეს თესაუ-ში ან/და სამისოდ გამოყოფილ გარემოში (პარტნიორთან შეთანხმებით) გასაუბრებაზე და თან იქნიოს პირადობის დამადასტურებელი დოკუმენტი. პირადობის დამადასტურებელი დოკუმენტის გარეშე გამოცხადებული აპლიკანტი თესაუს მიერ ორგანიზებულ კონკურსზე არ დაიშვება;
- 8.კომისიის მიერ ხდება კონკურსის შედეგების შეჯამება, საუკეთესო მაჩვენებლის მქონე აპლიკანტების გამოვლენა (აპლიკანტების რანჟირება) და შესაბამის კომისიის ოქმში ასახვა, რომელსაც თან ერთვის აპლიკანტების შეფასების ფურცლი.
- 9.კონკურსის შედეგები წარედგინება თესაუ-ს რექტორს.

მუხლი 7.მსმენელის სტატუსის მოპოვება

- 1.ჩარიცხვის უფლების მქონე პირი ვალდებულია თესაუ-ს რექტორის ინდივიდუალური ადმინისტრაციულ-სამართლებრივი აქტით განსაზღვრულ ვადაში წარმოადგინოს მოთხოვნილი დოკუმენტაცია;
- 2.ამ მუხლის 1-ლი პუნქტის დაკმაყოფილების შემთხვევაში თესაუ უზრუნველყოფს ჩარიცხვის უფლების მქონე პირისათვის მსმენელის სტატუსის მინიჭებას, რაც დასტურდება მხარეებს შორის გაფორმებული ხელშეკრულებით;
- 3.ინფორმაცია მსმენელის სტატუსის მინიჭების შესახებ ელექტრონულ სისტემაში აისახება შესაბამის პროფესიულ მომზადების/პროფესიული გადამზადების პროგრამაზე სწავლის დაწყებამდე;
- 4.ჩარიცხვის პროცესის დასრულების შემდეგ თავისუფალი ადგილების არსებობის შემთხვევაში, თესაუ უფლებამოსილია დაუკავშირდეს იმ აპლიკანტებს, რომლებიც რეგისტრირებული იყვნენ შესაბამის პროფესიული მომზადების/პროფესიული გადამზადების პროგრამაზე, მაგრამ კონკურსის გამო ვერ მოხვდნენ ჩარიცხვის უფლების მქონე პირთა სიაში. თესაუ ამ კატეგორიის პირთათვის მსმენელის სტატუსის მინიჭებას, ხელშეკრულების გაფორმებას და ელექტრონულ სისტემაში ასახვას უზრუნველყოს შესაბამის პროგრამაზე სწავლის დაწყებიდან არაუგვიანეს 5(ხუთ) სამუშაო დღის ვადაში.

მუხლი 8. თესაუს მიერ ორგანიზებული კონკურსის ფარგლებში წარმოშობილი პრეტენზიების განხილვა

- 1.კონკურსზე მიღებულ შეფასებასთან დაკავშირებული პრეტენზიების განხილვის მიზნით, თესაუ-ს რექტორის ინდივიდუალური ადმინისტრაციულ-სამართლებრივი აქტით იქმნება საპრეტენზიო კომისია არააკლებ 3(სამი) წევრის შემადგენლობით;
- 2.პრეტენზიების განხილვის მიზნით, აპლიკანტმა წერილობითი განცხადებით უნდა მიმართოს საპრეტენზიო კომისიას შედეგების გამოცხადებიდან არაუგვიანეს მომდევნო დღისა;
- 3.საპრეტენზიო კომისია განცხადებას განიხილავს მისი წარდგენიდან არაუგვიანეს ერთი სამუშაო დღის ვადაში;
4. საპრეტენზიო კომისიის წევრად არ შეიძლება განისაზღვროს პირი, რომელიც იყო აპლიკანტთა შერჩევის მიზნით საკონკურსო კომისიის წევრი;
- 5.საპრეტენზიო კომისია გადაწყვეტილებას იღებს დამსწრე წევრების ხმათა უმრავლესობით. ხმათა თანაბრად გადანაწილების შემთხვევაში გადამწყვეტია კომისიის თავმჯდომარის ხმა;
- 6.საპრეტენზიო კომისიის გადაწყვეტილება ფორმდება კომისიის სხდომის ოქმით, რომელსაც ხელს აწერს კომისიის ყველა წევრი. საპრეტენზიო კომისიის წევრს უფლება აქვს თავისი განსხვავებული აზრი დაურთოს ოქმს, რის შესახებაც ოქმში კეთდება შესაბამისი ჩანაწერი.

აკადემიური საბჭოს თავმჯდომარე:



სსიპ იაკობ გოგებაშვილის სახელობის თელავის სახელმწიფო უნივერსიტეტი

„-----“ ----- წ.

პროფესიული მომზადებისა და პროფესიული გადამზადების პროგრამებზე

შესარჩევი კონკურსისათვის აპლიკანტთან გასაუბრების შეფასების ფორმა
გასაუბრების მაქსიმალური შეფასება - 15 ქულა.

თითოეული კრიტერიუმის მაქსიმალური შეფასება - 3 ქულა

აპლიკანტის სახელი გვარი -----

N	შეფასების კრიტერიუმები	შეფასების მეთოდი	ქულა			
			ძალიან კარგი (3 ქულა)	კარგი (2 ქულა)	დამაკმაყოფი ლებელი (1 ქულა)	არადამაკმაყოფილ ებელი (0 ქულა)
1	მოტივაცია (ინტერესი პროფესიისადმი)	გასაუბრება				
2	მზაობა ფიზიკური შრომისათვის	გასაუბრება				
3	ხედვა გუნდურ მუშაობასთან დაკავშირებით	გასაუბრება				
4	თვითპრეზენტაცია და კომუნიკაცია	გასაუბრება				
5	პროფესიასთან დაკავშირებული ცოდნა ან გამოცდილება	გასაუბრება				
	სულ ქულათა ჯამი					

თვითეული კრიტერიუმის მაქსიმალური შეფასება - 3 ქულა:

ძალიან კარგი - 3 ქულა

კარგი - 2 ქულა

დამაკმაყოფილებელი - 1 ქულა

არადამაკმაყოფილებელი - 0 ქულა

დანართი N2

სსიპ იაკობ გოგებაშვილის სახელობის თელავის სახელმწიფო უნივერსიტეტი

„-----“ წ.

შესარჩევი კონკურსისათვის აპლიკანტთან გასაუბრების საბოლოო შეფასების ფორმა
გასაუბრების მაქსიმალური შეფასება -15 ქულა.

№	აპლიკანტის სახელი, გვარი	პირადი ნომერი	მოტივაცია (ინტერესი პროფესიისადმი)	მზაობა ფიზიკური შრომისათვეს	ხედვა გუნდურ მუშაობასთან დაკავშირებით	თვითპრეზენტაცია და კომუნიკაცია	პროფესიასთან დაკავშირებული ცოდნა ან გამოცდილება	ქულა თა ჯამი
1								
2								
3								
4								
5								
6								
7								
8								
9								
10								

კომისიის თავმჯდომარე:

კომისიის მდივანი:

კომისიის წევრები: